



KENAN VEHABOVIĆ NAGRAĐEN ZA NEZAKONITOSTI

Ekran • Februar 26, 2017 • BOSNA I HERCEGOVINA, OBRAZOVANJE, VIJESTI • Leave a comment
232 Views

U nekoliko navrata smo pisali o katastrofalnom stanju u inspeksijskim službama Kantona Sarajevo. Ove službe ne samo da ne sprečavaju nezakonitosti, nego ih i same proizvode i podstiču. Kao primjer takvog rada navodili smo rad nekadašnjeg inspektora Kenana Vehabovića, koji je za takav odnos prema poslu nagrađen foteljom u državnom parlamentu. Kakav Vehabović, takav i parlament, reklo bi se. Ekran je došao u posjed Presude Općinskog suda u Sarajevu broj 65 0

Rs
442075 14 Rs kojom je poništena odluka skandaloznog nelegalnog rektora

UNSA Muharema Avdispahića, a koja je donesena na osnovu nezakonitog rada Kenana Vehabovića. Naime, Kenan Vehabović je, prema informacijama

naših izvora, bio poznat kao inspektor koji je ciljano išao na pojedince u visokom obrazovanju, a ne na sprečavanje nezakonitosti. Tako je, navodimo najpoznatiji primjer, poništavao izbore profesora, ali nikada nije ni pomislio da poništi izbor Muharema Avdispahića, mada je dokazano da on nema niti jednu knjigu i da samim tim nije ni mogao biti izabran za redovnog profesora. Time nije mogao biti ni rektor UNSA, ali je to sada druga priča.

Naravno, Vehabović ovo nije ni mogao uraditi, s obzirom da mu je, prema infortmacijama naših izvora, Avdispahić zaposlio suprugu. Da li je zaposlenje supruge bilo uslov da se ne ide u poništenje izbora, odnosno da li je postojao i konkretan dogovor o tome, ne znamo i ne možemo tvrditi. Međutim, shodno nekim drugim predmetima, vjerovatno bi

RELATED ARTICLES



Tarik Dautović u ime SDA

3 sata ago



Dug Rusima za plin vraćat će najviše sarajlije

1 dan ago



Ko koristi službeni automobil parkiran u Gradcu?

1 dan ago

Tužilaštvo KS i medjska tužiteljica Dalida Burzić trebali da se pozabave ovim slučajem. Naravno, ni oni to neće uraditi, jer su i Avdispahić i Vehabović dijelovi sistema kojim, po svemu sudeći, i tužiteljica pripada.

U jednoj takvoj "akciji", u kojoj je krenuo u "lov" na jednog od profesora sa spiska "nepoželjnih" na UNSA, Vehabović je naložio poništenje izbora. Mada za to nije bilo osnova, on je, vjerovatno u dogovoru sa skandaloznim Avdispahićem, tražio da Univerzitet poništi izbor. Naravno, Avdispahić je to jedva čekao i, naravno, sve je završilo na Sudu. Sud je presudio da se navedena Odluka Muharema Avdispahića mora poništiti, uz obavezu naknade troškova u iznosu od 2.160,00 km.

Tako je Kenan Vehabović u akciji sa MUharemom Avdisopahićem u konkretnom slučaju svojim (ne)radom, odnosno provođenjem terora na UNSA, oštetiio budžet Univerziteta i KS. Koliko je ovakvih predmeta još bilo i koliko je ošteta plaćeno? Nama je poznato za njih nekoliko, ali smo za ovaj uspjeti pribaviti i dokumentaciju, iz koje se nedvosmisleno vidi da je nelegalni rektor, skupa sa inspektorom Vehabovićem, dobio šamar i nanio štetu državnim (kantonalnim) institucijama.

Danas Kenan Vehabović, zahvaljujući ovakvom (ne)radu i (ne)provođenju zakona, radi na visokoj dužnosti u parlamentarnoj skupštini (ma šta to značilo) BiH. Kakav će rad ove institucije biti uz ovakvog sekretara i pravnika, nije teško zaključiti. Postavlja se pitanje: nije li "slučaj Vehabović" eklatantan primjer korupcije, stranačkog zapošljavanja i trgovine uticajem? Ne treba pritom zaboraviti ni to da je Vehabović master studiji na Fakultetu uprave završio u vrijeme dok je bio inspektor i dekanu ove sumnjive privatne visokoškolske institucije omogućio da nelegalno radi na Pedagoškom fakultetu. Nije li to dovoljan razlog da se postavi pitanje kako se Kenan Vehabović od advokatskog pripravnika u samo nekoliko godina probio do sekretara važne državne institucije?